


海
運
無
礙
府
心

Kodak Color Control Patches



湖南常德府志

1591637

嘉慶十八年輯

常德府志

本衙藏板

常德府志序

志者史之一體今郡邑之有志
其體昉於此蓋志者記也記一
郡之分野疆域沿革建置以及
田賦兵防之大民風物產之細
條分縷晰溯其原而竟其委俾

按冊以稽不出戶庭之間而可
達於四境之遠志之為用大矣
我
朝聲教漸被幅頓最廣一郡所治
若州若縣若衛所大者或千餘
里小者猶數百里守者不能遍

履而躬詣也然則欲悉風土辨
險易施教令舍志之考而誰考
與至於名宦鄉賢文藝列女以
逮於方技之倫旁搜博採登之
簡冊則又兼仿諸史世家列傳
之例其地近則考核易以實又

其事尠則敘述易以詳下以昭
風化之成上以備

國史之採此又文獻之林而守土
者之所當亟於從事矣然此猶
統而言之耳夫為山為澤或僻
或衝分疆畫土斷有不齊而故

事由之出焉審察於山川風土
之宜廣資於前言往行之美徵
驗其是非得失之跡因地所緩
急以為政之先後因政之先後
以為志之詳略使從政者讀其
志若著蔡焉自非通達治體與

時消息罕不至如胥吏之案牘
徒備抄襲者嘻豈易言哉常德
府之有志肇始於康熙九年厥
後百數十年無繼之者乾隆中
郡守李君大隱增修有稿經前
制軍畢秋帆先輩點定而其書

未完逮嘉慶丁卯戊辰之間前
郡守鮑君薛君先後纂集至今
守應君始告成焉余考常德一
郡秦漢時為黔中地唐宋以還
分置鼎朗諸州今試以全楚之
形勢論之自荆襄以西涉大江

歷孱陵澧陵以達於常其再西
 則辰沅諸郡深林密菁苗民所
 窟穴而滇黔萬里水陸所由道
 也歷代以來稱為扼隘
 國朝駐通省水陸提督於此以控
 制之洞庭浩汗粘天無壁為宇

內藪澤冠輔以青草赤沙之險
 沅漸諸水又經緯而襟帶之所
 謂澤國也則考其山川險阻修
 飭戒備以寧戢中外與夫講求
 水利慎其宣洩用宅爾宅畋爾
 田俾無旱潦侵之二者為守郡



之景先且急而即志郡者之所
宜博考而詳著也夫有其舉之
莫敢廢也志書之作其有關於
郡之利病者既如彼而由康熙
初年以至於今僅一再修補其
成書之難又如此則因時蒐羅

以補其遺漏固其所也若惟是
飾為美觀備故事而已豈修志
之意哉余故述之以諭夫後來
者

嘉慶十八年歲次癸酉五月替
湖使者三韓馬慧裕撰

常德府志序

楚自春秋通中國後聲名文物
埒於齊魯而常郡野分文明國
堪用武邑洞達之險控五溪之
要昔秦惠王欲以武關外易之
後司馬錯拔楚黔中地漢建武



間遣馬援征武陵蠻援營壺頭
險不克進宋李綱疏請鼎澧之
間宜宿重兵謂號令可通西蜀
聲援可接襄漢是歷秦漢唐宋
以迄於今常雖一郡而全楚之
盛衰實係焉且常之夜冠禮樂

為湖右最武陵舊事南楚新聞
大扃善道士風者其書多不傳
惟宗懔荆楚歲時記載埴鼠璞
二書至今淹雅之士咸採取焉
然宗戴雖並為郡人而敷求博
攷一則多井里風俗之好尚一

則僅名物典故之異同其所紀
已小而所以詳建草以立經制
辨泐慝以昭勸懲準物產以達
政治崇教術以歸典則者固未
之逮也常德之有志始明永樂
其後網羅散失志凡六脩我

朝屢

詔天下郡邑纂脩志乘而常志自康
熙九年脩之距今百三十餘年
一時文獻幾于世遠難徵嘉慶
丁卯薛愚溪太守慨然復為倡
脩惜視事年餘即解任去而志

書仍弗克就戊辰秋余奉

命來守茲郡脩舉廢墜靡不切心當
甫下車時其所為生全覆育以
勸其善搜剔剪刈以懲其惡勞
心案牘握管如馳曾不得息至
於稽事載典輶往詔來則博物

君子責也余方謝不敏今民稍
稍便安余乃得取其志稿而釐
定之曰進郡之熟于掌故者刪
其繁冗補其闕略俾一時之述
作上以備

聖朝國史之採擇下以供荆楚通志

之搜求庶幾言之文而行之遠
也是書成則不必南望衡陽北
窺夢渚西窮巴峽東瞰鄂黃而
虞帝之城而如登善卷之臺而
如造也黃帝鑄鼎之港若涉之
武侯洗墨之池若過之鑿船鐵



塔其事不誣石磬石柱所言不
妄馬將軍之薏苡不明可驚也
梁都尉之尸祝不絕可訝也讀
屈子之離騷究易東之象義法
泱乎魚米饒足之鄉冠蓋往來
之地迎紫姑者以卜蠶也肖金

剛者以逐疫也人多礪落壯亮
 海襟嶽節湛然與湘水同其清
 壘然與衡山媿其高矣而皆得
 於此編遇之

皆

大清嘉慶癸酉二月朔日知湖

南常德府事宜川應先烈譔



首册

詔諭一卷

一

原序

從來一代之必有史一郡必有志史固爲石渠天祿之秘而志於境內山川形勝田賦戶口備載焉雖一郡之紀著實一代之版圖誠與史並重也考楚爲古荒服而常德據荆上游抱洞庭而控五溪粵蜀咽吭滇黔門戶可稱衝繁巨邑明季以來流寇相繼蹂躪殺戮之慘亦較他郡爲最余奉

命出撫楚南凡車馬之所周耳目之所及爲地方興利弊休養元氣或奉章入

告或極力舉行已不待披閱簡編始悉各郡疾苦然兵燹之

餘一切版籍多付衰草寒烟久則文獻無徵愈致湮沒何以垂示將來郡守胡向華收拾殘缺蒐輯而修復之典紀一新書成十卷諸凡創制沿革輿圖則壤以及人物風俗備悉無遺於此可徵守之留心敷治矣雖然睠茲殘疆赤子皆屬鋒鏑餘生子方寢食靡寧無計登之衽席惟守與民最親其間誠求懷保率邑令以共圖安全予尤於守有厚望也夫

康熙辛亥夏月朔資政大夫巡撫偏沅等處地方兼管糧餉都察院右副都御史前內秘書院學士纂修

國史副總裁官遼東盧震識

原序

古昔列封之國各有紀載成周命職方氏以至之史乘之設實權輿於此粵自改封建以還今之郡城卽古盛時之方國也凡山川土田星躔分野人物風俗阨塞險易戶口物產世代源流靡不備具用以供采風俗者因利乘便通好惡以整齊之俾民志勿之有惑非徒志封疆飾觀覽已也開嘗曠覽輿圖洞庭爲宇內第一巨浸而常德實鎮其西據荆楚上遊爲吳蜀咽喉當滇黔戶牖朝宁之上每重念斯地凡永億萬載不拔之基者未嘗不於此固局鑰也况英賢輩出人文相望實楚南巋然一雄鎮也則敷陳

故實者惟於志是賴常德之志板燬於兵火僅抄數卷應上之檄取其間以訛傳訛舛謬遺落弗可究詰又且於明之中葉後悉泯然無傳百年於茲矣丁未夏仲子奉命來守此邦見其輪輓輪蹄者日夕不休禋祀應歆者闕焉弗舉體制無存禮教衰息或者曰兵燹之餘卽陋成習獨不聞貞淫靡常志趨無定沿民情以施利導斯其時矣爰稽古載簡編殘缺用是戚然靡寧維時立意修復一艱於賞又難其人屢進紳士而謀之諸縉紳輩僉舉二人其一賀君竒其一劉君昌臣二公皆博雅名宿也敦請以襄厥事旣而劉君以學使優遷駕稅 都門賀子毅然獨任弗

辭然而卷帙多則參訂難周事類繁則蒐輯匪易惟慨襲蠹餘之緒論避翻駁之微嫌而載集盡錄舊本噫嘻紀典所重傳信不傳疑由來尙已滄桑逝變運會不無遷流昔存而今廢胡可執也忠孝節烈觀感由之振興昔墜而今修胡可畧也風俗有異同因革無定局宜俗而不宜戾俗弗能拘也物產隨土宜生殖因地靈准楠而濟貉弗能強也况浮文少實昔人忌之賀子遂翻然極力讎校釐正前修另創體格隨事晰義有因革有損益有昔詳而今畧者有昔畧而今詳者溯流尋源循事考實任其實不任其文至於闕畧遺亡擷芳搜逸沿聲察行斷者續之微者顯之

昭義例以著其本末揭原委以明其是非不古湮而馨時
艷不遐遺而比親昵諸凡人物風俗瞭然著矣度乎一郡
信史也是役也始事於己酉八月歷徧伏臘歲積一周越
次年八月而卒業焉惜也游夏無需一贊壁劃獨成一手
余雖間有討論愧以簿書俗冗寡文抄識其遍歷則未遑
然於五短三長又所弗計也茲者熙績有成工付剗剗效
數言以述其始末云

大清康熙九年歲在庚戌仲秋月望前二日常德府知府
兩當胡向華書於府署思補齋

序

志乘一書肇於漢而其原則本之周禮所以紀四方
之山川風俗民物土田以周知九州地域廣輪之數
誠要典也常德爲古黔中地控引巴蜀襟帶洞庭爲
往來滇黔舟車要道自秦漢以迄于今其間因革損
益時代變遷之故日新月異欲深悉其事之所由著
而不至懵然於厥心舍志其何由攷覈哉余於癸亥
涖常卽索圖籍披之藉以知一郡故實而自康熙九
年以後缺焉無聞深懼舊典廢墜遺事失傳意欲重

加修輯未幾緣事解任弗果丁卯春郡守薛愚溪先生視事武陵既下車凡諸政典以次舉行旋及志書一事請之上憲咸以爲然因與四縣合議共相摩畫得以有成余重念愚溪先生之深求民瘼旣足補余所未逮而今者修志之舉又與余心有暗合者因作而言曰人情之所以觀望不前齟齬日甚者大抵可與樂成難與謀始耳今太守不以是爲緩圖急急焉修舉廢墜俾一時之經費有出董事咸得其人其用意不可謂不深而任事不可謂不勇矣不特此也事

不師古則率意而妄行言不稟經則謗陋而無識今觀是書所載雖祇一郡故實而星躔分野駢若列眉地理輿圖瞭如指掌閭戶口之繁知生殖之所由庶緬文物之盛知騷雅之所由宗吏治貴振興也則宦蹟必詳其實苗疆期撫馭也斯戎兵當樹其威他如氣候物產之殊仙釋災祥之異莫不纖細具載以博聽聞是豈徒誇多鬪靡爲哉凡以前事之師足爲後人考鏡者正未有艾此其所以登之紀載不憚備細周詳耳余忝總修之任自維淺植敢爲克擅三長陳

子卷山孝廉悉心搜採纂輯有年是編之成實多裨益異日彤庭染翰發石渠天祿之藏闡金簡瑤函之秘是又鼓吹休明潤色鴻業所不容已者吾能無厚望於陳子與夫校讐之諸子也哉

嘉慶十三年十二月仁和鮑鏡謨

重修常德府志啟

括地成圖世紀瓊環之簡採風作志史傳郡國之書一邦之典故所存上路之軒輶斯在顧歷年既久文多豹鼠之訛圖世恆新事或滄桑之異千里之提封廓爾大有舊聞百年之紀載闕如遂成陳迹粵夫常德名區黔中故郡星躔分野三台司命之垣版宇畫疆五服巡衡之地北連江漢引荆門鄂渚之雄西接黔巫控草屨花囊之徼擁清波於萬頃表裏平湖鎮神鼎於三峯周環沃壤雲烟荔鬱丹砂善卷之壇花竹繽紛絳萼瞿仙之洞赤沙青草秋漣與夜月交輝虎齒龍巖春氣亦朝嵐並秀屈原巷裏香草如

聞沈約臺前書聲未歇懷人間之潔士應汲萊國之泉酌
天上之酒星合訪崔婆之井琵琶洞古聆神仙樂以鏗鏘
茉莉石存望摩利天而縹緲一泓烏浪尙餘洗墨池中十
里紅香多在采菱城畔槐樹之金燈四照山號禪牛柳陰
之玉乳千簪洞名歇馬若乃馮君孟敬極治行忠烈之奇
丁氏易東擅經術儒林之美文汝霖毫端吐鳳舉赤幟於
雞壇胥必彰日下乘驄飛青霜於柏府風送花磚之影仁
甫則譽滿鸞坡光騰藝苑之輝文弱則勳書麟閣濬清河
於卅里真無慚慈惠之師策荒政者十條更不愧神明之
宰段光啟奮刀殺賊達惟德割股救親他如解囊恤汾社

之貧輸粟開鬻桑之餓情愴羊棗李廸之純孝堪型義重
麥舟買堂之高風可仰而且青閨勵節紫闈完貞緬古井
之波瀾皆醇風之鼓盪至於居正之奇謀慣用山賊膽寒
伏波之顧盼自雄溪蠻魄落張師繹一壺冰湛陸濱海兩
袖風清馭歷卅年棠陰尙在撫循六載黍雨猶存勒惠愛
之碑倪君時多善蹟徵大昕之鼓袁侯丕振文風自古宰
官不廢吟咏由來儒吏大抵風流庭有餘閑喻政之謳歌
不輟案無積牘朝陽之斂斷何多甜桃李之芳園人懷樂
令製花貓之雅曲我愛劉郎萬派洪濤此時猶薦青公之
祀千年遺愛當日曾攀方守之轅更有兩轍僑居一鞭流

寓行吟大澤誰招屈子之魂垂釣寒潭雅慕嚴光之節凡此皆風流繼起大可蒐羅時勢推遷尤宜掇拾豈可令紅蟬碧蠹永貽缺陷於來賢綠帙丹經莫備典章於大郡淇懸藜丙夜筮仕丁年曾究名山二酉之觀獲窺石室三長之秘恭膺

簡命來守圻封抱扶綱植紀之懷以問俗觀風爲亟爰稽記志竟成一綫之延溯厥校讎迺在百年以外胡可已也有其舉之猶憶星渚停車戟門樞謁承大憲之明訓屬守吏以重修悵府乘一編久無善本合朗江四屬可少完書齋訂魯魚雅有蘭臺碩彥整齊亥豕正須芸閣鴻儒懸通而

之子金補亡書於三篋錄成雜帙爲徵文考獻之資雅合史載屢傳後信今之作惟是蜂釀花而爲蜜狐集腋以成裘欲謀剽削所費不貲壽及棗梨厥功匪小伏冀鴻都上客虎視名卿傾青蚨白蠟之藏倡振廢興頽之義將見芸編汗簡不隳碑碣以俱湮可無淮雨別風或泥蠹魚而失紀從此鼎湖元氣簡冊如新漢壽雄圖典章不墜歷奔世荒蕪之後無健者曷能起其緒餘勒太平風俗之書有心人當不置之度外敬啟

嘉慶十一年歲次丙寅孟冬月穀旦

賜進士出身知湖南常德府事前吏部文選司郎中乙卯科

山西主考官丙辰科會試同考官江陰薛 淇具

重修常德府志姓氏

閱定

兵部尙書兼都察院右都御史兩湖總督馬慧裕
兵部侍郎兼都察院右副都御史湖南巡撫廣 厚
翰 林 院 侍 讀 提 督 湖 南 學 政 湯 金 釗
同 定

湖 南 布 政 使 朱 紹 曾

湖 南 按 察 使 慶 燠

分 守 岳 常 澧 道 岳 慶

總修

常

德

府

知

府應先烈

分修

常

德

府

同

知唐景曦

署

常

德

府

同

知王攸

常

德

府

通

判文亮

總校

武

陵

縣

知

縣許紹宗

署

武

陵

縣

知

縣毛夢蘭

桃

源

縣

知

縣李英

龍

陽

縣

知

縣張

署

沅

江

縣

知

縣陳宸書

分校

常

德

府

教

授瞿家整

常

德

府

訓

導吳肇禪

武

陵

縣

教

諭胡瞻翥

武

陵

縣

訓

導陳之謨

桃

源

縣

教

諭曾大章

桃

源

縣

訓

導王步雲

龍

陽

縣

教

諭宋之桴

龍

陽

縣

訓

導黎大魁

沅

江

縣

教

諭駱孔僕

沅

江

縣

訓

導戴安禮

督刊

署

常

德

府

經

歷姚紳安

纂稿

武

陵

縣

舉

人陳楷禮

採訪

廣東惠潮嘉兵備道前禮科給事中趙懷珍

禮

部

主

事羅志謙

國

子

監

博

士陳世謙

沅

江

縣

貢

生吳俊卿

沅

江

縣

學

廩

生陳琦

校刊

武

陵

縣

舉

人吳登選

武

陵

縣

拔

貢

生劉文炳

常

德

縣

學

廩

生楊丕為

武

陵

縣

學

廩

生陳槃禮

武

陵

縣

學

廩

生王泰階

武

陵

縣

監

生戴逢聘

武

陵

縣

學

生

員戴大溶

姓氏

常德府學生 員陳耀南

武陵縣學生 員唐尙扶

武陵縣學生 員唐開韶

武陵縣學生 員張正綱

武陵縣職 員向廷燦

繕寫

武陵縣學生 員韋行申

武陵縣學生 員陳啟煒

經營

武陵縣禮 吏劉宗漢

凡例

一是志以大政冠首繼列輿圖用開方法圖其廣輪之

形使道里遠近一覽瞭然至境內名山大川有掌故

可考者附載數圖舊志入景瑣碎繁複一概刪除

一沿革遵錄

大清一統志常德府屬表復檢各史原文逐一考核照合

全志所收人物事跡刪繁補漏均以表列為準餘不

泛及

一星野舊皆載弁全書不知此惟一統志為宜方志不

得效之今但附輿圖考後以備占驗至時令俗諺不

盡雅馴別列叢談

一關隘形勢常德雖止一郡然歷代有事於荆南者郡其攬轡之初舊跡史不勝書今於關隘採錄稍詳形勢但節載數語無事誇耀

一山川山鎮亘古不移水則壤濱洞庭下流率多湮塞遷徙以水道提綱之詳博不知漸水之所在今取水經辨註明確由目考而非臆測有新增者皆謹志其實不至範水模山有乖志體至舊載簡畧不根此門尤甚茲悉採取別籍補訂成書

一古蹟陵墓原與山川附麗今並錄之免致分類繁碎惟郡屬名區齊梁分王子弟遺詠久湮今檢各書補其缺畧析其舛訛於考証不爲無助陵墓品級甚崇者例應收載間有潛德不彰亦表著一二以示仰止之意餘則未許概登

一建置皆本之舊志參合通志新增者查對案牘自明以來頗無遺缺津梁附於坊鄉其育嬰養濟等堂舊附公署今移附於積貯之後

一賦役各志多止載今制不及前代以

國有成憲無事搜求然考古所以鑒今常德舊籍殘缺僅檢前史載其約畧惟明代頗詳兼採萬歷間龍膺府

志粗具本末蓋不考前代之煩苛無以知今日之逸樂我

朝輕徭薄賦勒成賦役全書惟正之供所爲順

帝則於無疆也謹依條彙錄昭示簡冊至隄防與賦役相表裏生齒之繁昌實

國家所軫念關係甚鉅故附載之並及社倉荒政

一秩祀皆遵照禮部則例及奉頒湖南祀典舉其大綱畧其儀節並附以舊祀寺觀

一風俗湖南通志美惡並載畧於古而詳於今用寓勸懲之義今兼採前代志美而不志惡居此土者則

務本力田以昭

熙皞之治不復縷列弊端

一學校教化之原備載公典意取便於考求不得以事涉雷同任其荒陋其載及修建始末者推原創造之艱以作多士之氣

一式備固圉之本郡在秦漢卽爲用武之國而歷來兵制無徵皆節錄一代通制以識源流明代設衛指揮等官舊志差爲可據今以提督駐札幾爲重鎮兵制俸餉悉備志之並附以記兵祥異以類相從

一物產各志僅載名目爲避抄襲本草之嫌然劉知幾

譏史家不志宮室物產以為非是今宮室已詳見建
置則物產不得獨從簡畧楚為騷國沅芷儲英間採
他書匪盡襲舊

一藝文分經史子集兼及序跋至金石一門在鄭氏通
志實為劍劍各志有分門者今附藝文後其餘詩文
另有常德文徵茲不備載

一表本史例皆詳及爵位年分世系各志僅具姓名以
當標目今列沿革藩封職官選舉人物共五表一郡
掌故畧盡於斯無傳者亦照舊載事跡分注以備考
証無者仍之

一人物立表原於班氏今分類列之皆本各府志傳例
而稍有增損緣以 旌例為重觀者縱橫查之自得
一畧之名起於劉向鄭氏因之作通志畧今政畧實即
舊志名宦因史無此例故變用之蓋既屬名宦則不
得與郡人同一列傳而至於紀錄自與論定殊科存
以甘棠去而益詠政不在詳及生平

一列傳見歷史者即錄本傳蓋千秋論定惟史為大舍
本傳而別立傳自屬贅語若在明史尤不敢擅為點
竄今並錄載全傳論世知人斯堪取信

一史傳原有廉吏一門今一郡之書實不便分析若過

爲區別則舊志所載者已多可刪後來者復難概入故但以列傳統之

一 人物出仕臨民有事業者入列傳德行著聞撰述可考者入儒林詩集文集能厭人心者入文苑以及忠孝節義總歸實錄至規行矩步風概猶留教授生徒遺澤未泯既無事業其文章亦不概見仍仿前史爲行之例以收之

一 凡其人見存者概不列傳蓋身後論定乃史家之例至傳中附載後嗣必其人尙有表見方志雖信爲珍冒濫之譏所不敢蹈若牽連前

例

一 列女舊志通志有傳者概行全錄新採較多十之七八其事跡相同者亦十居七八今撮其情節差異者立傳餘悉列爲表不盡係傳之有無以爲輕重

一 方志以地方官爲主實亦領於史職舊志行文多有稱郡侯邑侯及稱公者今志內古人自大儒以下今人自一品以下皆一例稱名間有考據不備稱姓稱字姑仍舊文

一 史主法戒無裁制則有胥抄之弊志記因革非引證則有杜撰之嫌方志裁制引證不可偏廢今於引用

書目綱止一條則分注於下目有數條皆直冠於首
酌用二例庶不至錯出不倫

一全書皆參合舊志通志總志各縣縣志取其精要詳
核載入名宦人物但有增添並無刪削惟中間徵引
別籍多錄原文故較舊為增

一郡志自康熙九年創修之後曠百餘年未經重輯中
間文獻幾於無徵嗣薛愚溪太守復為創修採訪委
之紳士六七年來雖已裒然成帙公餘翻閱脫漏仍
所不免廣求博搜尚俟後之君子

常德府志目錄

凡例

紀二

考十

表四

畧一

傳七

凡五例二十四篇計四十八卷

紀二
上
下

皇朝大政紀

常德府志

卷

卷之一

目錄

一

古大政紀 卷之二

考十

輿圖 十八副

輿圖考一 卷之三

沿革 疆域星野氣候 關隘形勢

山川考二上中下 卷四之卷六

山川 古蹟陵墓

建置考三上下 卷七之卷九

城池石櫃 公署會館 驛遞 坊鄉津梁

賦役考四上下 卷十之十一

戶口烟戶 田賦土貢欵項 隄防陂堰 積貯荒政

秩祀考五 卷十二

廟壇舊祀寺觀

風俗考六 卷十三

鄉飲酒

學校考七上下 卷十四之十五

公典 修建義學書院

武備考八上下 卷十六之十七

兵制塘汛屯田 俸餉 紀兵災祥

物產考九 卷十八

藝文考十_上 卷十九之二十

經史子集 金石文字

表四

封建表一 附傳 卷二十一

職官表二_{上中} 卷二十二之二十五

選舉表三_{上中} 卷二十六之三十一

人物表四_上 卷三十二之三十三

畧一

政畧_上 卷三十四之三十五

圖七

常德府志圖形

府境全圖 武陵縣圖 桃源縣圖 龍陽縣圖 沅江

縣圖



桃花源圖 洞庭湖圖 陽山圖 金霞山圖 平山圖

朗渚圖 穿石圖 楚山圖 金牛山圖 滄水圖 橋

洲圖 藥山圖 芷水圖

武陵縣圖

每方三十里



桃源縣圖




每方三十里

三




四

龍陽縣圖



每方三十里



五

沅江縣圖



每方三十里

五

青草湖

桃桿洲

布谷

洞庭湖

野山

入湖

白草

赤沙湖

六

桃花源圖






洞庭湖圖



陽山圖



金嶺山圖





十一




十二

十三

明清圖





穿石圖








Figure 10

金牛山圖







澹水圖


三

橘洲圖



藥山圖





正水圖

八

第一册

卷一

輿圖

卷二 考第一

輿圖考一

沿革

疆域
星野
氣候

卷三

輿圖考二

關隘形勢


一册目錄

常德府志卷一

紀第一

皇朝大政紀

常德自順治初入版籍百數十年



國家輕徭薄賦盡除前代苛政與之休息每遇水旱偏災無不蠲賑疊施民生熙皞曠古所僅見矣中間經制之興建民事之修舉其經發帑項繫於茲土者輒依年次編之為紀

大清

世祖章皇帝順治四年 亥丁

王師平常德

大政紀

舊志先是故明悍鎮馬進忠王進才等擄掠男婦剽劫貨物上至桃源下至龍陽居民逃避數百里絕少人烟至是聞

王師蕩平爭各歸來咸獲寧宇

九年壬辰

認定各直省錢糧照明萬歷間則例其天啟崇禎時加增者悉

予豁免會典

十一年甲午

順治六年七年民欠地丁銀湖廣通志

十二年乙未

詔蠲賦有差通志

聖祖仁皇帝康熙元年壬寅

詔蠲賦有差通志

謹按我

朝

列聖相承重熙累洽其間遞邀

恩詔歲有蠲除顧府志歷久未修多佚其事其輪蠲年分有不

可考者今畧依通志補之疑者闕焉

四年乙巳

詔蠲賦有差通志

十三年甲寅二月偽總兵楊保應犯常德其父原在提督楊
遇明為內應常德潰東華錄

十八年己未二月官兵復常德東華錄

武陵桃源龍陽旱

詔蠲賦有差舊通志

二十年辛酉

詔蠲賦有差通志

二十一年壬戌奉

旨豁免龍陽賊殘復荒田糧自十三年起至十八年止龍陽縣志

縣志計豁免八百八十七石八斗零又十四年水潰大

圍堤等障失額糧二千六百零

二十三年甲子湖廣提督移駐常德府城

中樞政考 國初提督原駐武昌康熙十年移駐荊州

府二十二年因分防將軍駐荊州提督復駐武昌至是

移駐常德由是荆湖南北聲勢聯絡

二十五年丙寅

詔蠲賦有差通志謹按通志係湖南福建兩省
地丁各項錢糧常德府屬銀數缺考

三十八年己卯

詔蠲湖南省三十九年地丁雜稅銀通志常德府
屬銀數缺考

四十三年甲申秋武陵桃源旱

詔蠲賦有差 舊通志

通志共銀四千五百有奇

四十四年 乙酉

詔蠲賦有差 通志

四十五年 丙戌

詔蠲賦有差 同上

四十七年 戊子 武陵水

詔蠲賦有差 同上

四十九年 庚寅 修常德大圍堤

詔責成地方官專管著為合 會典則例 舊縣志康熙四十六年知府王謝詳請委員修大圍堤

南港障五十六年督部院滿請發帑給有堤州縣加修嗣後龍陽遵例歲修

五十年 辛卯

詔蠲免各直省地丁銀 通志 常德府屬輪免年分闕考

五十二年 癸巳

詔自康熙五十年以後審增滋生人丁永不加賦 通志

五十五年 丙申 武陵龍陽沅江水

詔蠲賦有差 通志

五十六年 丁酉

詔蠲賦有差 通志

六十年 辛丑

詔蠲賦有差 通志

世宗憲皇帝雍正四年丙午夏武陵龍陽沅江水

詔蠲賦有差 舊通志

五年丁未夏武陵龍陽沅江水

詔蠲免全賦仍發帑賑卹存差上全

七年己酉秋武陵龍陽旱

詔蠲賦有差上全

詔各直省丁銀自雍正七年為始均攤入地糧內徵收上全

詔蠲武陵宿郎堰田賦並舊欠錢糧 詳堤防

武陵志稿先是雍正四五兩年大水堤潰至是永遠蠲

除額賦其武陵龍陽各障悉發帑增修

八年庚戌

詔蠲賦有差 通志

九年辛亥建築舵桿洲石臺

十三年乙卯

詔免十二年民欠錢糧

通志此項民欠豁免大槩業戶受惠者十勸業戶捐其

五以惠佃戶

詔禁草各州縣落地稅 通志

高宗純皇帝乾隆九年甲子覆淮龍陽沅江八年水災

詔酌予賑恤通志

修府城石櫃詳建

十年丑乙

詔蠲免各直省地丁銀常德府屬於十一年輪免通志

十一年丙寅覆准湘陰武陵桃源龍陽沅江五縣乾隆十年

被旱

詔着按分數蠲免仍行賑卹緩徵湖南通志

十二年丁卯覆准武陵藍山二縣秋被水災

詔按分數蠲免並照例賑給同上

十四年己巳夏武陵龍陽沅江益陽新化澧州石門永定

州縣大水

詔先行賑卹仍分別蠲免其不能懇復田畝照數豁除通志

二十六年辛巳武陵水

詔酌予賑卹

縣案計錢六千七百一十九千有奇

三十一年丙戌武陵水

詔酌予撫卹

縣案計錢五千九百七十三千四百有奇

修府城石櫃詳建

三十五年庚寅

詔普免各直省錢糧常德府屬於本年輪免

縣案

四十二年丁酉

詔蠲賦有差

四十三年戊戌武陵旱

詔予撫卹

縣案

縣案計銀一萬九千四百八十一兩五錢二分零又借

給牛具口糧一萬六千一百三十二兩一錢二分全行

豁免

四十四年己亥

詔普免各直省錢糧常德府屬於本年輪免

縣案

四十五年庚子修桃源石櫃

五十一年丙午武陵水

詔酌予撫卹

縣案計銀四千三十一兩零

五十三年戊申武陵水

詔借給麥種工本

縣案計銀一萬七千六十兩八錢全行豁免

五十四年己酉修建府城石櫃詳建置

五十五年庚戌

詔蠲賦有差縣案

五十六年辛亥

詔常德府屬錢糧於本年輪免上全

五十七年壬子

詔豁免湖南省未完民欠

縣案計銀一萬二千七百六十餘兩此項俱武陵縣五十年被旱五十一年五十二年五十三年被水緩徵其正耗銀一萬二千七百六十八兩六錢零他縣並無帶徵緩徵之項

皇上嘉慶元年丙辰

詔蠲賦有差常德府屬於元年二年三年均免

二年丁巳奉議提督移駐辰州府左營官軍全行移駐並添

設後營營制清册

五年庚申改湖廣全省提督為湖南提督上全

嘉慶十八年武陵沅江水潰隄

詔酌予撫卹修築

常德府志卷二

紀第二

古大政紀

古武陵郡境甚廣兩漢率有事於溪蠻今所轄僅臨沅索
二縣地前史征蠻事不泛據也唐宋分析始定其間人事
修墜疆土附屬史文約畧可舉並編次年月附於後云

漢

光武建武二十四年戊申七月武陵蠻寇臨沅後漢書光武紀

後漢書南蠻傳相單程等下攻臨沅遣謁者李嵩中山太

守馬成擊之不克

二十五年己酉三月伏波將軍馬援等破武陵蠻於臨沅冬十

月叛蠻悉降後漢書光武紀

後漢書南蠻傳伏波將軍馬援中郎將劉匡馬武孫永等將兵至臨沅擊破之單程等饑困乞降會援病卒謁者宗均聽悉受降為置吏司羣蠻遂平

晉

安帝義熙十一年乙卯沈林子斬郭亮之於七里澗宋書

宋書自叙傳司馬休之黨郭亮之招聚蠻眾屯據武陵太守王鎮惡出奔叅軍沈林子率軍討之斬亮之於七里澗納鎮惡武陵始平

唐

僖宗中和二年壬寅荆南節度監軍朱敬玫殺朗州刺史段彥

謨唐書僖宗紀

通鑑時荆南節度使段彥謨與監軍朱敬玫相惡彥謨謀殺敬玫敬玫先帥眾攻彥謨殺之

乾符六年己亥十二月壬辰荆南將雷滿陷朗州刺史崔翥死

之唐書僖宗紀詳紀兵

五代梁

太祖開平二年戊辰雷彥恭據朗州楚王馬殷遣將攻取之

五代史馬殷傳馬殷遣將秦彥暉攻雷彥恭彥恭引沅水環城以自守彥暉遣裨將自水竄入城攻之彥恭潰走遂

取朗州

詳紀兵

宋

乾德元年

癸亥

三月戊寅慕容延釗克復朗州湖南平

宋史太祖本紀

四月滅朗州等管內死罪一等擄掠者給主

宋史太祖本紀

七月己巳朗州賊將汪端寇州城都監尹重睿擊走之

全上

七月乙亥詔繕朗州城免其管內夏稅

全上

九月磔汪端於朗州

全上

宋史慕容延釗傳時慕容延釗為湖南道行營前軍都部

署賊將汪端與眾數千擾朗州延釗擒之磔於市

神宗元豐三年

庚申

廢白博黃石二砦

宋史地理志

徽宗政和七年

丁酉

陞鼎州為常德軍

同

高宗建炎二年

戊申

正月辛亥以孟忠厚為常德軍承宣使

宋史

高宗本紀

四年

庚戌

二月甲午鼎州民鍾相作亂自稱楚王

詳紀兵

三月辛丑以孔彥舟為湖南北捉殺使癸卯孔彥舟入鼎州

戊辰擊敗鍾相

高宗本紀詳紀兵

六月庚辰以程昌寓為鼎澧州鎮撫使

全上

十月丙子以孔彥舟為鼎澧辰沅靖州鎮撫使

全上

按時程昌寓尙夫

入鼎州

是月戊寅鍾相餘黨楊華等舉兵圍桃源縣癸未程昌寓入

鼎州擊破之全上

高宗紹興元年辛亥六月庚辰湖賊楊華楊廣復犯鼎州

詳紀兵

八月辛巳劉超等復寇鼎州

全上

二年壬子二月甲子楊華復叛擾鼎澧潭三州

全上

本紀詔立賞禽捕首領赦貸脅從

三年癸丑四月辛丑荆南總制羅廣率兵至鼎州討楊太

詳紀兵

九月乙亥以王瓊為荆南府岳鄂潭鼎澧諸軍制置使置司

全上

四年甲寅七月癸丑楊欽等陷社木砦程昌富遣將擊破之

全上

詳紀兵

五年乙卯二月丙戌岳飛將兵平湖賊楊太五月己亥岳飛軍

次鼎州全上

宋史高宗本紀紹興五年五月壬子岳飛急攻湖賊木砦

賊將陳瑁降楊太赴水死餘黨劉衡等皆降飛急擊真誠

斬之于巳湖賊黃誠斬楊太首挾鍾子義周倫詣都督

降湖湘悉平

十七年丁卯六月改命安郡王瑗為常德軍節度使

全上

孝宗乾道元年乙酉九月丁卯升鼎州為常德府

宋史孝宗本紀

度宗咸淳五年戊戌四月己丑以樞密都承旨劉雄飛知沅州

兼常德等五郡鎮撫使

宋史度宗本紀

十年癸卯四月戊午以呂文福為常德等五郡鎮撫使上全

元

順帝至正十二年

壬辰置常德安撫司元史地理志

十四年

甲午改常德安撫司為總管府上全

十六年

丙申三月天完徐壽輝將倪文俊陷常德等路元史類編

明史友諒殺天完將倪文俊併其軍遂據有常德等路

二十四年

甲辰二月明太祖滅偽漢盡平湖廣地明史

明

洪武一十四年桃源民蘇彬請免荒田額糧不允二十八年

彬復懷疏縊登聞鼓下蠲免二萬二千石縣志

洪武二十四年蠲龍陽田賦一萬三千有奇

龍陽縣志

縣志龍陽典史青文勝以地濱洞庭夏潦蜀漲溢為巨浸

民無以輸三上疏不報遂懷前疏自經登聞鼓下事聞特

命官馳覈合原額蠲其租三分之二

季宗宏治元年

戊申大旱免本年夏稅明史季宗本紀

世宗五年

丙戌旱常德盜起衛官某計擒之舊志詳紀兵

天啟六年盜猝至常德衛掌印指揮周嗣頤前所千戶李先

開拒賊於武塲死之舊志

崇禎十四年

辛巳龍陽盜起巡道陳瑾捕斬之設守備防禦舊志

十六年冬張獻忠陷府城同知朱國治攝武陵縣事蔣道亨

實慶永州十一府 職方氏正南曰荆州

周赧王三十六年秦司馬錯伐楚拔黔中

始皇三十六年分天下置三十六郡楚曰黔中郡

王使白起伐楚取蠻夷地置黔中郡唐韋懷太子後漢書

注黔中故城在辰州沅陵縣西

兩漢 三國 陽西陽義陵佷山零陽充

漢書地理志 辰陽屬武陵郡 魏索廩漢書

漢武威將軍劉尚擊武陵五溪蠻水經注曰武陵五溪蠻

備西無辰皆蠻夷所居今辰州以上地當時武陵屬

漢征蠻故事實與今武陵不柝涉也

後漢書郡國志 省索沅陵無陽義陵佷山置漢

劉昭注先賢傳曰晉代太守趙厥開主簿潘京曰

以名武陵京曰鄙郡本名義陵在辰陽縣界

辰陽縣界 漢義陵縣地與夷相接為所攻破光武時移東

全先識易號傳曰止戈為武高平曰陵於是改名焉

按前書本名武陵不知此對何據而由

郡為武陵郡移理義陵今辰州溆浦縣也後漢移理

今朗州治也

按漢書師古注武陵郡高帝置莽曰建平義

劉昭以為不知何據 又按建平郡吳置今巫山縣地

陵以西屬備吳志後通典劉備沒後所分之地悉復屬於吳

晉 宋 齊 梁 陳

晉武陵郡十縣臨沅龍陽宋書龍陽晉太康地志何志吳立漢壽吳同吳壽

沅陵黔陽酉陽鍾成沅南遷陵舞陽晉書地理志

宋郢州刺史領郡六武陵太守領縣十宋書地理志陽鍾成沅南遷陵

錄因

齊郢州武陵郡領縣十宋書州郡志省遷陵酉陽置零陵

梁置武州隋書地理志

十道志湘東王於荊州割武陵郡置武州

天嘉元年分荊州之天門義陽南平郢州之武陵四郡置

武州其刺史督沅州領武陵太守治武陵郡太

改武州為沅州陳書按天嘉元年都督所領六縣之

州乃今府境也

隋

隋武陵郡平陳為朗州大業初復置武陵郡武陵平陳并臨沅沅南漢壽三縣置武陵縣龍陽

隋書地理志

唐

唐朗州武陵郡縣二武陵上龍陽中上新唐書地理志

通考武德四年復置朗州開元中廢江南西道天寶初仍

曰武陵郡改屬山南東道乾元初復曰朗州唐昭宗時以

澧朗二州為武貞軍

五代

梁太祖將馬殷執雷彥雄等於梁遂升朗州為永順軍後馬

殷以其子希振為武順軍節度後唐改為武平軍以朗人

雷滿為節度周廣順二年改為武平軍大都督府 五代

春秋朗州領縣三

武陵龍陽橋江

宋

宋常德府本鼎州武陵郡常德軍節度乾德二年降為團練

本朗州大中祥符五年改今名政和七年陞為軍建炎四

年陞鼎澧州鎮撫使紹興元年置荆湖北路安撫使治朗

州領鼎澧辰沅靖州三十二年罷乾道元年以季

陞府八年依舊提舉五州縣三武陵 望 桃源 望 乾德中

縣龍陽 中 大觀中改為辰陽紹興三年復為龍陽縣 南

渡後復增縣一沅江 中 下 自 岳州來隸乾道中 隸

舊志鼎州其說有三以神鼎出於水而名今龍陽有神鼎

山又曰黃帝顓頊氏采首山之銅鑄鼎於洞庭之野今鼎

港是也後因此名郡又曰鄆形如鼎故名

元至正十二年置常德安撫司十四年改為總管府後改為

常德路領司一縣一 武 州二 桃 源 屬 湖廣行中書省江南

湖北道 又地理志元貞元年升桃源龍陽為州以龍陽

領沅江縣 元史

明

洪武甲辰復為府領縣四武陵桃源洪武二年降為縣龍陽洪武三年降為

縣沅江洪武二年州廢來屬十年省入龍陽縣十三年復置洪武八年改行中書省

為承宣布政司領府十五其一常德明史地理志又洪武九年領澧州三十

年歸見本志澧州下

國朝

常德府會典衝繁難要缺領縣四武陵桃源龍陽沅江康熙三年分

隸湖南布政司臨以分巡湖北道康熙六年裁減分巡道

九年隸常岳分守道一統志

武陵縣 附郭

漢索縣臨沅縣隸武陵郡後漢臨沅縣漢壽縣光武時移武

陵郡治臨沅仍隸武陵郡順帝陽嘉三年移荊州刺史治

漢壽漢郡國志武陵索注三國吳改漢壽曰吳壽而臨沅

如故晉復改漢壽宋符瑞志吳孫權赤烏二年更名吳壽

壽晉武帝復舊餘因之宋以郡屬郢州漢壽臨沅仍隸武陵太守

齊因宋通志畧齊氏州郡悉因宋代梁陳均置武州陳後又改為沅州

臨沅漢壽仍隸武陵郡隋平陳郡廢改朗州金臨沅漢壽

沅南三縣置武陵縣大業初復武陵郡州郡仍治焉唐及

五代屬朗州宋屬鼎州乾德初屬常德府元屬常德路明

屬常德府自漢至明代為州郡路府之治

國朝因之統志康熙三年隋府分屬湖南布政使司會典衝繁疲難要缺

桃源縣

漢臨沅縣地後漢為沅南縣地屬武陵郡後漢書郡國志陽嘉三年置以其地

南臨沅水故名晉以後因之隋省沅南入武陵唐為武陵縣地宋

乾德中始析武陵地置桃源縣為望縣屬鼎州尋屬常德

府宋史地理志乾德元年析延川等村始置桃源縣元元輿圖名勝覽以桃源洞為名從轉運使張詠請也

貞元年升桃源州屬常德路明洪武二年仍降為縣屬常

德府明史崇禎中議更天下州縣同名未果

國朝因之統志康熙三年隨府分屬湖南布政使司會典衝繁疲難要缺

龍陽縣

漢武陵索縣地後漢漢壽縣地三國吳改漢壽曰吳壽析晉

龍陽縣仍屬武陵郡宋書吳立龍陽改漢壽為吳壽龍陽亦漢壽地符瑞志吳孫權赤烏十

年黃龍二見於武陵漢壽界孫氏以為祥瑞應改漢壽曰吳壽更立一縣曰龍陽晉宋以後因之

隋屬朗州唐仍舊宋大觀中改曰辰陽縣紹興三年復舊

五年升軍使移治黃城砦三十年復縣為中縣屬鼎州尋

屬常德府武陵圖經龍陽本吳割漢壽縣地置大觀中改為辰陽取楚詞夕宿辰陽為名紹興中復為龍

陽縣元元貞元年升龍陽州領沅江一縣屬常德路明洪武

三年三月仍降為縣屬常德府

國朝因之統志康熙三年隨府分屬湖南布政使司會典簡缺

沅江縣

漢武陵郡索縣及長沙國益陽縣地見方輿紀要後漢及三國吳

皆屬漢壽益陽二縣地後漢郡國志漢壽故索縣陽嘉三年更名秀與紀要益陽三國吳屬

衡陽郡晉仍舊梁道葉山縣兼置葉山郡梁元帝分置重華

縣隋開皇初廢葉山郡曰安樂縣開皇十八年改曰沅江

縣屬巴陵郡唐因之乾寧中改橋江縣仍屬岳州五代初

遷屬朗州又改曰沅江宋因之乾道中割隸岳州尋省重

華入之復來隸屬鼎州尋屬常德府宋史地理志乾德元年復曰沅江仍屬岳州

州南渡後遷屬鼎州乾道中元元貞元年升龍陽為州縣

屬之統屬常德路明洪武三年龍陽州廢屬常德府

五月省入龍陽縣十三年五月復置屬常德府沅江縣志舊建橋江

縣於洞庭正南岸屬岳州今縣東八十里泗州子母城門

陌城址猶在於岳州為附近實邑之中土而今之縣地為

昔之西南陲也昔日桑麻之地皆為魚鱉有矣

疆界

國朝因之統志康熙三年隨府分屬湖南布政使司會典簡缺

府治在湖南布政使司西北四百八十里東西距五百三十

里南北距二百一十里東至長沙湘陰縣畝口界二百九

十里西至辰州府沅陵縣鐵巖界二百四十里南至長沙

安化縣燕子洞界一百二十里北至澧州鰲山舖界九十

里東南至益陽龍潭舖界二百三十五里西南至沅陵縣

治三百八十里東北至岳州府治四百五里至武昌九百
里西北至澧州石門縣治二百二十里自府治至

京師三千九百八十里

武陵縣治附郭東西距七十里南北距二百一十里東至龍
陽縣小河口界四十五里西至桃源縣高吾鋪界二十五
里南至長沙府安化縣燕子洞界一百二十里北至澧州
鱉山鋪界九十里東南至龍陽牛橋鋪界九十里西南至
桃源六合垵界九十里東北至岳州府安鄉縣麻河界一
百三十五里西北至澧州安福縣龍門洞界八十里
桃源縣治在府西八十里東西距二百四十里南北距一

二十里東至武陵縣高吾鋪界五十五里西至辰州府沅
陵縣官莊界一百九十里南至長沙府安化縣仙花山界
一百里北至澧州石門縣洞溪界一百二十里東南至安
化縣治二百五十里西南至沅陵縣治三百里東北至澧
州治二百二十里西北至慈利縣治一百里

龍陽縣治在府東南八十里東西距二百五十里南北距二
百三十里東至華容縣古樓界一百一十里西至武陵縣
河泊鋪界四十里南至長沙府益陽縣牛鼻鋪界九十里
北至澧州安鄉縣澧口界一百四十里東南至沅江縣治
一百二十里西南至安化縣治二百三十里東北至岳州

府華容縣治二百六十里西北至武陵縣陽城村界一百二十里

沅江縣治在府東南二百三十五里東西距一百一十里南北

距一百四十里東至長沙府湘陰縣畝口界七十里西至

龍陽縣南疆舖界四十里南至益陽縣羊角界九十里北

至龍陽縣赤山嶺界五十里東南至湘陰縣治一百十里

西南至益陽縣治一百十里東北至岳州府華容縣界一

百里西北至龍陽縣治一百五十里

附歷代疆域

武陵記曰武陵郡境四千餘里

杜佑通典唐武陵郡領縣二武陵龍陽東至巴陵郡六百

至澧陽郡百八十里東南到長沙郡四百里西南到盧溪

沅陵縣三百九十六里東北到澧陽郡安鄉縣界百二十

八里西北到澧陽郡石門縣界百里

元和志州境東西一百七十五里南至辰州

東至東州一千九百里東至岳州二百五十里西至辰州

四百七十九里南至潭州四百八十二里北至澧州一百

八十里東至岳州五百五十里西南至潭州三百八十

二里西北至辰州四百六十五里

武陵志稿宋元疆域與明同

明一統志東至岳州府華容縣界三百六十五里西至辰

州府沅陵縣界三百二十里南至長沙府安化縣界百二

十里北至澧州界九十里

按郡至宋始領四縣然在五代末初武陵爲桃源則三

縣猶今郡境也唐時沅江尚隸岳州而郡之東境較濶

於後豈唐以前之沅江僅分益陽縣地至五代時來隸

於郡始析以古索縣之地耶

星野

保章氏以星土辨九州之地所封封域皆有分星以觀妖祥

周禮鄭注鶉尾楚也按考此可以得常德所次之舍

鶉尾翼軫也爾雅

翼軫荆州史記天官書漢書天文志同

楚地翼軫之分野也今之南郡江夏零陵桂陽武陵長沙及

漢中汝南郡盡楚分也漢書地理志按考此可以得常德府所次之星

自張十八度至軫十一度曰鶉尾之次於辰在巳謂之大荒

落於律為夷則斗建在申今楚分野後漢書郡國志

自張十七度至軫十一度為鶉尾於辰在巳楚分野晉書天文志

翼軫鶉尾也初張十五度餘千七百九十五杪太中翼十二

度終軫九度自房陵白帝而東盡漢之南郡江夏東連廬

江南郡濱彭蠡之西得長沙武陵又逾南紀盡鬱林合

之地唐書天文志按考此可以得常德府所次之度

州郡躔次翼軫楚荆州武陵入軫十度晉書天文志按常德府晉為武陵郡治

考此可以得其所入之度

占驗

分野節氣占驗

自張十二度至軫六度謂鶉尾之次立秋處暑居之楚之分

野月令章句

黃赤道

鶉尾宮赤道自張六度五十一分至翼二十九度三十一分

黃道自星七度五十一分至翼一十一度二十三分西法

按諸史皆謂自張至軫為鶉尾之次雖度數差異而宮宿未改也而西法為尾宮黃赤宿度與古懸殊蓋西法以中氣過宮恆星循黃道東行七十年而差一度故宮無定宿而星可以遞居各宮謂分野不甚足據此其說也五禮通考江氏永曰分野之說固有所從來然謂之星土分星則星為主而不主節氣甚明矣若十二次與節氣無是法附錄於此以俟知天者考驗焉

五緯星占驗

吳楚之疆候熒惑占得衡注得衡 史記天官書 郁星也

熒惑主荆揚交續漢志註

熒惑主楚越通鑑地理通釋

北斗七星占驗

荆州屬衡星注衡星北 斗第五星 春秋緯文耀鉤

玉衡者斗九星也第四星主荆州按此又與衡星之說稍異

以五卯日候之丁卯為武陵續漢志註

十干十二支占驗

丙楚漢書天文志

寅楚又丁巳楚也淮南子

分至測景長短

朗州測景夏至長七寸七分冬至長一丈五寸三分春秋分

四尺三寸七分半舊唐書天文志 按 常德府唐為朗州

北極出度

朗州北極出地二十九度半舊唐書天文志

測得常德府北極出地二十九度西法

東西偏度

測得常德府偏西四度七分西法

氣候

郡中氣候和會適中四縣畧同桃源界萬山稍為涼冷

武陵舊事武陵景物和煦風氣淳古然處洞庭上遊地屬

早濕三四月種稻時每風雨亦涼冷如冬四五月多雨俗

夜寒不是漲水即是天乾南薰交扇日趨炎燥初秋餘暑未退熱氣轉

增早稻多秋初收晚稻遲至九月後涼颼振槁霜候漸逼

或時有餘熱俗云包三凍九初冬屆寒或降瑞雪十一二月甚

大雪占歲者以冬雪為驗年內有大雪冰凍則來歲豐

關隘

武陵縣

府治武陵縣境

上水關府西清平門外舊志

下水關府東永安門外舊志

西水關府西常武門外舊志

河洑關在縣西二十里河洑山麓通志

七里關在縣北萬金村右七里瀾通志
今七里橋塘

舊志沈林子斬郭亮之於七里澗因設關於此

德山關在廻峯寺 新輯

崇孝鎮在縣東北八十里一名崇孝街 統志

九域志武陵縣有崇孝鎮

社木砦縣東三十里

統志宋為戍守處紹興四年楊么寇鼎州破社木砦即此

蔡家堰在縣西北六十里

案方輿紀要堰西北尚有盤塘市

石公渡市縣北六十里又北二十里有周家店市 舊志

大龍馬驛在縣北六十里又北三十里有鰲山市接澧州界

舊志

通志馬驛舊在蹇家坪明洪武十五年遷此

形勢武陵在洞庭之西五溪之東陽山北峙金霞南屏南

楚上游故郢裔邑 舊志

桃源縣

白馬關在縣西南二十五里其下即白馬渡舊有巡司今裁

統志

高都鎮在縣西南一百二十里 統志

總志明設巡檢司今廢

蕪溪鎮在縣北八十里元置巡司明廢 統志

麻溪鎮在縣北一百里元置巡司明廢統志

楊口砦在桃源縣內又有白崖砦統志

宋史地理志大中祥符五年廢桃源楊口白崖三砦

黃石砦在縣西北一百三十里統志

白埭砦在縣北一百二十里統志

宋史地理志常德府元豐二年廢白埭黃石二砦

湯家坪在縣西南四十里相近有項家坪統志

桃源水驛在縣西南二里通志

通志明洪武十四年置又淶羅水驛明嘉靖七年併入

源驛

鄭家馬驛在縣西南七十里通志

新店馬驛在縣西南一百三十里明洪武四年置後裁

國朝康熙二年復置舊置遞運所後裁通志

形勢桃源環以沅水拱以淶羅高吾峙其東白馬踞其西

良田美地阡陌交通舊志

龍陽縣

小江鎮在縣西北四十里小江口舊有巡司今裁統志

鼎口鎮在縣東北一百二十里統志

方輿紀要舊設巡司澧水支流為鼎水鼎口即澧水分流

合沅之口又東五十里接洞庭湖

黃城砦在縣東南通志

〔方輿紀要〕宋志紹興五年移縣治黃城砦三十年復舊

桐樹堡 陡山西堡 陡山東堡 下八千堡 沙陽千堡

笑籐堡 下小江堡 橫山堡 黃港堡在縣西 龍渡堡在縣北

鳳橋堡 下梅溪堡 婆羅堡 余家橋堡 薛嶺堡 茆

艸堡 金牛堡 軍山堡 小塘河堡 黃庭堡縣西南三十里

江口堡俱舊志

陳一揆曰明成化間令各縣於各村人中中抽一丁籍於官名曰鄉夫擇其勇壯者為團長無事則耕有警則守墩堡相望始此按通志堡凡二十有一

滄港市在縣西十五里舊志

洪沾哨在龍陽縣東北洪沾口舊志湖廣總志洞庭重險為盜賊巢穴民以網罟為生

夏散冬聚易與為姦盜賊出沒明初立洪沾沅江明山三哨分軍防守嘉靖初設江防僉事於岳州兼領常德合指

揮一人巡江自武陵德山潭歷龍陽天心湖抵沅江哨又自沅江之鄒家窖南抵長沙歷洞庭夾而北至洪沾哨又

自洪沾越南石潭而至明山哨小江武口鼎港古樓諸逸檢司隸焉悉屬江防節制隆慶元年兵備姜繼曾議更設

水操軍二百四十人置戰船一十二隻分江淮海四號哨守自龍陽至沅江明山諸處江湖警備漸嚴矣

〔形勢〕龍陽金牛居南芷江在北面安益千峯之秀帶湖湘

諸派之流為荆襄之唇齒通雲貴之門戶舊志

沅江縣

關洲在縣東南舊志

〔元和志〕建安二十年孫權以先主得蜀使使求荊州先主

言須得涼州乃相與權患之遣呂蒙襲長沙零陵桂陽三郡先主引兵五萬下公安令關羽入益陽此州蓋羽屯兵之處

沅江在沅江縣北

統志

明山峭在縣東北八十里

統志

瓦石磯水汎在沅江縣南六十里

統志

白沙水汎在縣北三十里冬則移駐富池

通志

大神潭水汎在縣南

通志

一統志

國朝沅江設三水塘專管江湖防守巡汎瓦石磯與長沙府

交界府境以瓦石磯為頂塘長沙營以八字汎為頂其中
有彭池港為交會巡哨之地前此互諉不決康熙二十五年勘明兩營通行汎防

縣市旱塘

一統志

毛角口旱塘

一統志

形勢沅江居鄂岳之上流分洞庭之右汎瓊堤拱其西沙浦俯其東表以蠡山迤以沅水

舊志

湖廣總志常德府荆岳之肩臂苗獠之咽喉也漢建武中

谿蠻負險猖獗伏波進營壺頭而賊人乘高守隘以債其

師常德之險莫先壺頭山險水湍石齒齒溪流中一夫守之千人莫當漢征五谿耿舒請從充道馬援不從卒營

壺頭竟以險不克進蓋壺頭俯濱大江辰淑二水經焉清浪驛則五溪蠻出入路也甕子洞入常德境據我兵上游蠻或騷動升險鼓譟如建瓴水我兵仰攻勢必難入故善戰者必先奪之宋紹興巨寇楊么破

鼎而帥臣疏請鼎澧之間宜宿重兵以圖恢復之漸識者

韙之李綱疏畧言荆湖之地號用武之國宋保有東南控馭西北當於鼎澧荆鄂皆宿重兵庶西蜀之號令可

通襄漢之聲援可接明初建總戎秉鉞閩外後移鎮會省初命勳舊大臣假節

鉞出鎮掛征南將軍印建帥府於常德嗣後都督王信復建帥府於武昌尋以常德帥府拓為藩封統以江

防憲臣嚴之以兵巡哨守既云密矣顧永順之徑路未防

郡西北岡市蔡家堰盤塘麻溪諸處界乎石而沅陵之叢

門慈利之間通承順夷乃其路之小而狹者山猶障多劫奪設白馬高都二巡檢司以防之燕子洞

之逋流時掠洞在長沙安化縣界國初有流賊張廣勝數百人為亂百戶楊鎮計擒之而洞庭

夾之守禦口弛誠當如宋人所謂募戎兵除戎器者矣興

六年知鼎州張翥請審弓弩手上從之其他可憑之險武陵東為張若城西

為司馬錯城南為善德山其上有南城桃源西南十里為

白馬渡南一百二十里為高都鎮龍陽東北八十里為鼎

港口西北四十里為小江各設巡檢司沅江西三里為劉公城

相傳昭烈嘗徇武陵長沙零陵桂陽四郡因立城元置齊湖巡檢司今廢則一方防禦之要也

方輿紀要府左包洞庭之險右控五溪之要楚之黔中地

也秦惠王時欲楚黔中地以武關外易之昭王八年留楚

懷王於咸陽要以割巫黔中之郡三十五年使司馬錯發

隴西兵因蜀攻楚黔中破之黔中拔而楚益衰蓋黔中密

邇荆渚得之則伺楚於肘腋間故蘓秦曰秦一軍出武關一軍出黔中則鄢郢動蓋秦人於全楚時早以黔中爲意也秦得黔中則旁懾溪蠻南通嶺嶠從此利盡南海矣漢置武陵郡以鎮壓巴黔後漢陽嘉中移荊州治此蓋荊州之治亂視羣蠻之順逆故統理急焉三國初先主伐吳使馬良自佷山通武陵佷山今宜昌府長陽縣結五溪諸蠻夷陳光大初華皎據湘州以武州居其心腹急攻之不克隋唐以來益皆爲湖北襟要雷彥恭據有朗州侵軼鄰境兵鋒四出馬氏并之益爲雄鎮馬希萼阻兵於此卒殘潭州及唐人入湖南劉言等據州自固唐主名言入鄢其



王達曰武陵負江湖之險帶甲數萬安能拱手受制於人遂與周行逢等分道進攻潭州克之復收馬氏故地王氏曰朗州北屏荆渚南臨長沙實爲要會今自巴陵而西江陵而南取道辰沅指揮滇黔者郡其攬轡之初也由江陵陸道而西南則澧州爲必出之道由巴陵水道而西南則洞庭爲必涉之津又公安縣有孫黃驛兩京陸路由常德以達雲貴者此又爲會合之所一從江陵而南一從巴陵而西皆自澧州達於常德然則常德不特荆湖之唇齒而卽滇黔之喉隘也歟

國朝雍正二年巡撫魏廷珍疏伏查洞庭湖爲湖南諸水所

滙其中惟湘沅澧三江之水最大湘水自南來入洞庭之
 南口有長沙協副將兵在上流防之沅江自西來入洞庭
 西口有常德提標兵在上流防之澧江自西北入洞庭之
 西北口有澧州參將兵在上流防之湖水出口在岳州東
 北直達武昌有岳州參將兵在湖口防之又有洞庭水師
 副將兵一在常德一在岳州此洞庭周圍設汛安兵俱有
 規模也湖中雖有數山皆孤立無曲港泊舟之處所用米
 糧多仰賴於四岸州縣匪人不能作巢穴至今安靜臣嘗
 差人往探其水自春至秋泛漲之時一片汪洋無際及冬
 間眾水歸壑洲渚畢露其深者不可測淺者僅尺餘舟到

其間往往淺不能通行此洞庭湖目前情形

按常德在古中國皆西通川蜀緣棧道巴峽其時未甚
 闢也漢以後其道始湮今則為雲貴衝要西有壺頭東
 有洞庭固重險也爰徵舊籍以志其概



宮御所元

三



